

Na osnovu člana 13. Zakona o principima lokalne samouprave u Federaciji BiH („Službene novine Federacije BiH“ broj: 49/06 i 51/09), člana 10. alineja 2. Statuta Općine Centar Sarajevo („Službene novine Kantona Sarajevo“ broj: 23/04), Općinsko vijeće Općine Centar Sarajevo, na 3.redovnoj sjednici održanoj dana 30.01.2025.godine, donijelo je

**ODLUKU O IZMJENAMA I DOPUNAMA ODLUKE O PROGLAŠENJU BORAČKIH  
UDRUŽENJA OD POSEBNOG INTERESA I DRUŠTVENOG ZNAČAJA ZA OPĆINU  
CENTAR SARAJEVO**

**Član 1.**

U Odluci o proglašenju boračkih udruženja od posebnog interesa i društvenog značaja za Općinu Centar Sarajevo („Službene novine Kantona Sarajevo“ broj: 2/24), član 1. stav (1) tačka f) briše se.

**Član 2.**

Član 4. mijenja se i glasi:

„Član 4. Podnošenje prijave za finansiranje

(1)Udruženja iz člana 2. ove Odluke, po raspisanom Javnom pozivu, dostavljaju prijedloge projekata za finansiranje Komisiji za odabir i evaluaciju projekata (u daljem tekstu: Komisija) putem Službe za boračko-invalidsku i socijalnu zaštitu (u daljem tekstu: Služba).

(2)Javni poziv za finansiranje boračkih udruženja/organizacija sa područja općine Centar, raspisuje Općinski načelnik putem Službe za boračko invalidsku i socijalnu zaštitu. Javni poziv objavljuje se u dnevnim novinama i na zvaničnoj web stranici Općine.

(3)Provođenje procedure po Javnom pozivu za finansiranje udruženja/organizacija sa područja općine Centar provodi Komisija. Komisija o svom radu vodi zapisnik i isti dostavlja Službi za boračko invalidsku i socijalnu zaštitu.“

**Član 3.**

Iza člana 4. dodaje se novi član 4a. koji glasi:

„Član 4a. Komisija za odabir i evaluaciju projekata

(1) Odabir projekata sa kojima su aplicirala Udruženja iz člana 2. Odluke a koja će se finansirati iz Budžeta Općine Centar Sarajevo, vršit će Komisija sastavljena od 5 (pet) članova i to uposlenika Općine Centar Sarajevo. Zapisnik će voditi zapisničar-tehnički sekretar, uposlenik Službe za boračko - invalidsku i socijalnu zaštitu Općine Centar Sarajevo.

(2) Imenovanje članova Komisije izvršit će Općinski načelnik Općine Centar Sarajevo posebnim rješenjem.

(3) Članovi Komisije će biti delegirani svake godine prije završetka roka datog za Javni poziv.

- (4) Komisija ima zadatak da otvori prijave na Javni poziv, utvrdi formalno- pravnu ispravnost istih, izvrši odabir projekata koje su udruženja prijavila po Javnom pozivu i odredi visinu sredstava za svako udruženje pojedinačno po odobrenim projektima, u skladu sa obrascem za bodovanje (obrazac je sastavni dio Odluke i isti se može mijenjati neovisno od odredaba Odluke).
- (5) Članovi Komisije i zapisničar- tehnički sekretar ostvaruju pravo na naknadu a po osnovu dostavljenog izvještaja sa održanih sastanaka, o čemu će Općinski načelnik donijeti posebno rješenje.

#### **Član 4.**

U članu 5. stav (1) tačka k) riječi „(Izvještaj Komisije za nadzor i koordinaciju)“ brišu se;

#### **Član 5.**

Član 7. mijenja se i glasi:

„Član 7. Obrada zahtjeva

Dostavljene prijave na Javni poziv za finansiranje projekata boračkih udruženja sa područja općine Centar, Služba za boračko invalidsku i socijalnu zaštitu prosljeđuje Komisiji za odabir i evaluaciju projekata.“

#### **Član 6.**

Član 8. briše se.

#### **Član 7.**

Član 9. mijenja se i glasi:

„Član 9. Odluka o dodjeli sredstava

(1) Na osnovu obrađenih zahtjeva, Komisija utvrđuje Prijedlog Odluke o dodjeli sredstava za finansiranje projekata, prioritarno boračkih udruženja proglašanih od posebnog interesa i društvenog značaja za Općinu Centar Sarajevo i ostalih udruženja koja okupljaju boračku populaciju sa područja općine Centar Sarajevo, a u skladu sa planiranim i raspoloživim sredstvima u Budžetu Općine Centar Sarajevo i istu dostavlja Općinskom načelniku na razmatranje i saglasnost.

(2) Na osnovu prijedloga Komisije, Općinski načelnik donosi Odluku o dodjeli sredstava za finansiranje projekata boračkih udruženja proglašanih od posebnog interesa i društvenog značaja za Općinu Centar Sarajevo i ostalih udruženja koja okupljaju boračku populaciju sa područja općine Centar Sarajevo, te nadležna Služba za boračko - invalidsku i socijalnu zaštitu izrađuje pojedinačne Ugovore o raspodjeli sredstava boračkim udruženjima/organizacijama sa područja općine Centar i Zaključke o isplati sredstava.“

#### **Član 8.**

U članu 10. stav (1) riječi „Općinskog vijeća Centar Sarajevo“ mijenjaju se u riječi „Općinskog načelnika Općine Centar Sarajevo“.

## **Član 9.**

U članu 11. riječi „operativnim planovima i“ brišu se.

## **Član 10.**

Član 12. mijenja se i glasi:

„Član 12. Način korištenja sredstava

(1) Odobrena sredstva, Udruženja moraju koristiti za odobrene namjene i to:

a) Za aktivnosti/projekte obuhvaćene članom 1. Odluke

b) Stručnu pomoć članstvu u ostvarivanju njihovih statusnih pitanja (administrativno-tehničko lice, troškovi zakupa prostorija udruženja, režijski troškovi, kancelarijski materijal).

Udruženja kojima se odobre sredstva za projekte, mogu za administrativno- tehničke i stručne poslove koristiti sredstva u iznosu od 35% od ukupno odobrenih sredstava. U prijavi na Javni poziv navesti broj lica koji će biti angažovani na realizaciji projektnih aktivnosti kao i biografiju istih.

(2) Sva plaćanja se obavljaju žiralno, a gotovinska plaćanja samo izuzetno kada je to neophodno zbog prirode aktivnosti i uz adekvatno obrazloženje, uz prethodno dostavljenu Odluku Upravnog odbora i Ugovora o djelu (5% od ukupno planiranih sredstava) i pribavljenu saglasnost Službe.

(3) Udruženja imaju pravo preraspodjeliti do 10% od ukupno dodjeljenih sredstava, vodeći računa da se preraspodijela može izvršiti isključivo unutar odobrenih projekata ili unutar materijalnih troškova, uz saglasnost Službe i Općinskog načelnika.“

## **Član 11.**

U članu 13. stav (1) riječi „Komisiji putem Službe“ mijenjaju se u riječ „Službi“.

Stav (2) iza riječi „Fiskalne račune“ dodaju se riječi „foto dokumentacija“,

Stav (3) mijenja se i glasi:

„(3) Služba dostavlja mišljenje o dostavljenim izvještajima boračkih udruženja/organizacija Općinskom načelniku na razmatranje i saglasnost, a u skladu sa Odlukom o raspodjeli novčanih sredstava boračkim organizacijama.“

## **Član 12.**

Član 14. stav (1) i (2) mijenjaju se i glase:

„(1) Služba prati i provodi evaluaciju dodijeljenih sredstava prema potpisanim ugovorima o dodjeli budžetskih sredstava udruženjima iz člana 9. Odluke. Na upite o provođenju projektnih aktivnosti upute daje Služba.

(2) Udruženja su obavezna na kraju tekuće godine, kao i nakon utroška prve tranše u skladu sa priloženim planom i programom projektnih aktivnosti i programom obilježavanja značajnih datuma i događaja, podnositi finansijski i narativni izvještaj o utrošku dodijeljenih sredstava iz Budžeta Općine Centar Sarajevo Službi.“

### Član 13.

Član 15. stav (1) mijenja se i glasi:

„(1) Udruženja iz člana 2. ove Odluke dužna su održavati skupštinu (izvještajne i izborne) u skladu sa odredbama Statuta udruženja, te pozivati predstavnika Službe za boračko - invalidsku i socijalnu zaštitu Općine Centar Sarajevo.“

U stavu (2) riječi „Općinsko vijeće“ mijenjaju se u riječi „Općinski načelnik“;

### Član 14.


U članu 18. stav (1) dodaje se nova alineja i glasi:

„- ukoliko udruženja proglašena od posebnog interesa i društvenog značaja za Općinu Centar Sarajevo ili članovi istih postupaju suprotno odredbama ove Odluke, a bez saglasnosti Službe;

U stavu (3) riječi „od strane Općinskog vijeća Centar Sarajevo“ brišu se.

### Član 15.

Ova Odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će biti objavljena u Službenim novinama Kantona Sarajevo.



**Predsjedavajući Općinskog vijeća**

**Benjamin Isović**

*Benjamin Isović*

**Broj, 01-37-72/25**

**Datum, 30.01.2025. godine**

Odluka je objavljena na oglasnoj ploči Općine Centar Sarajevo dana **06-02-2025**